

Advertencia di tur bestia y animalnan Arubiano

Mi ta pone e pensamentonan aki riba papel pa por haya poco comprension di tur Arubiano pa Animalnan y Bestianan Arubano.

Tur dia ta tende na emisoranan, di Eclipse Solar, mira na television algo di reportaje of comercial, di Eclipse Solar, lesa den corantnan, di Eclipse Solar.

Tur hende mester proteha nan wowo, pero ningun hende ta pensa riba e Bestianan y Animalnan Arubiano.

Si cacho "Buzz" di Mr. Prominent Vision tabata na bida, sigur e lo a percura pa nos tambe haya "bril di eclipse".

Pasobra Buzz no tey mas e no a pensa riba nos.

Nos cu ta Bestianan y Animalnan Arubiano kier haci un apelacion riba e Arubianonan cu ta bisa di ta stima bestia, pa duna nos proteccion y na mes momento comprension tambe, dia 26 di februari.

Nos cu ta pushi, cacho, burico, cabay, porco, cabrito y carne, no tin "bril di palo, ni di solo, ni di eclipse".

Proteha nos pa nos no mira den solo y trata di proteha nos na cas.

Nos tambe ta bira curioso y kier sa kico ta pasando ora cu e monstruo blanco di anochi, --den dia cla -- ta come e monstruo gigantesco geel y net na ora di come cuminda cayente..

Riba e dia aki, siquiera sea hende cu sa con pa trata cu animal.

No ta tur dia nos juventud ta expresa con "bestial" tur cos ta ?

Wel, nos tambe kier un trato preferencial, un trato "bestial" Dia di Eclipse.

Un trato cu dignidad, cu nos por bisa cu Bestianan y Animalnan Arubiano a wordo trata Bestial!! y "Animalesque"

Si e dia aki nos amigonan y amiganan paloma, prikitchi, lora, y tambe tur otronan cu tin den haula cera, cuminza actua intranquil, muestra nan poco amor, y duna nan lo mihor den proteccion.

Boso ta come stoba di cabrito of carne.

Boso ta saborea un porkchop di nos porconan.

Tur dia boso ta goza di nos carni di galiña, y pa desayuno, e webo no ta keda afo.

Tira un bista den Cauchi Galiña, y duna nan tambe un trato di Bestia Arubiano.

Esunnan si cu nos no kier mira ta dañá ambiente riba e dia aki ta e insectonan.

Principalmente cacalacanan.

Nan tambe ta perde caminda di "hol" e oranan di eclipse.

Ora nan sali for di bao di tur piedra, palo, buraco, poz y riool, caba cu nan mes ora y no laga nan yega mucho leeuw pa haci bo bida imposible despues.

Si bo mira nan morto tur rond di bo, y si encaso cualquier di nos bestianan of animal por muri di "un atake di corazon" durante eclipse, duna nan un entierro digno.

Pa e insectonan manera cacalacanan y muskitanan si, nos ta prefera di mira e "Guera di arma quimico" aplica contra nan.

Insecticida cuné !!

Pero riba e dia aki si bo mira movecion straño di nos lagadishinan y yuwananan, tene compasion, kizas tur buraco di busca refugio lo ta yen caba.

Pero tira un bista si riba ratonnan y djakanan, pasobra pa nan si como enemigonan mortal, "Guera biologico mes lo ta suficiente", pa nan no trece nos isla den peligro.

Nos kier adverti tur hende riba e isla aki cu for di algun ora prome cu Eclipse nos ta cuminza moviliza.

Tur Bestia y Animal Arubiano ta cuminza moviliza, bira intranquil, y haya stress pisa.

Nos cu ta cacho y pushi, cu hende ta yama "mihor amigo di hende", ta roga pa wordo cuida e dia aki, pasobra e fenomeno ta afecta nos manera di bida tambe.

Mustra nos cariño pa nos por sigui bisa cu "hende ta nos mihor amigo".

Nos cu ta bestianan y animalnan Arubiano ta adverti tur "hende" Arubiano cu Dia di Eclipse nos nervionan ta lanta y nos nervionan y presion lo ta halto halto.

Ningun negociacion of deliberacion diplomatico no por evita esaki, pesey for di awor caba nos ta pidi comprension pa cada movimiento straño, fuera di lo comun cu nos lo tin e dia aki.

Corda bon cu "nos tambe ta bestia !"

Boso amigo bestial, Juby Chuchubi.



Pa tur trabow di construction di cas:
Traha cas completo, bijbouw, pone tegels,
verf cas, drecha dak i demas trabownan chikito.

Tambe nos ta instala coriente i service airco

Por jama nos pa mas informacion na telefoon:

845550 for di dialuna pa diabierna
entre 8.00 am pa 12.00 pm i di 1.00 pm pa 3.30 pm

Friday 20th, Something Special for Afl. 2,50



ALL NIGHT
cuminsando
8'or



CARIBBEAN BAR

OFFICE FOR RENT

On Kerkstraat # 18

(Next to Pinocchio)

**Suitable for offices, Retail,
or Doctor's Office**

For more info. please call: 8-39320

Aruba's CARWASH

Un luna largo **25% off** riba tur clase di limpieza
den of pafo di bo auto - Tambe riba reparacion di brakes!

18/2/98 te cu 18/3/98

Tel: 839524 of 127 0911 (Free pick up service)

**Cumpra un cas ta mucho
mas caro pa bo?**



Setra nos di Tarabana Residence un famia cu un entrada di Afls. 4.200,- por yega facil na su cas propio. No mester duna nada na man. Solamente e gastonan di traspaso di tereno y e gastonan di e contract final di financiamiento bo ta paga, y nos di Tarabana Residence lo regla e financiamiento completo pa bo.

Pa mas informashon llama 839960 of 930724
of pasa personalmente na Tarabana
Residence na Caya Betico Croes.

Horario: Djaluna - Diabierna: 10:00 - 19:00
Diasabra: 10:00 - 13:00

